

Do chuala féin fada ó shoin

[John MacErlean (ed. & transl.), 'Eoin Ó Cuileannáin: Bishop of Raphoe, 1625-1661', *Archivum Hibernicum*, 1 (1912), 77-121, poem 5]

Conchobhar Óg Mac an Bhaird cct.

1 Do chuala féin fada ó shoin  
gur hoirneadh i gcrích Caisil  
triath do bhar bhfuilsi a dhreach náir  
Cormac cáidh mac Cuileannáin

2 Do móradh an eaglais re a linn  
ó Luimneach soir go Duibhlinn  
gan fáth baoghail thiar nó thoir  
tre briathraibh diadha an deighfhir.

3 Ní d'iomarbháidh le dreich mbuig  
teann mé as riaghail easpuig  
géag fhíneamhna dá fhuil féin  
labhram na aghaidh eiséin.

4 Tusa ar gCormac a leith Cuinn  
tug dia dar gcobhair chuguinn  
t'fhuighle beannughte a fir ghráidh  
dúinn ba comartha conáigh.

5 Geanmnaidheacht eagna agus ful  
ionnaibh mar Chormac Chaisil  
is tusa a mhac samhla sain  
ag teagasc chóich na gciontaibh

6 Do chuala féin roimhe so  
dá Eoin ar aonréir Íosa  
an treas Eoin do shompla chóigh  
Eoin beannughte Ó Cuileannáin. DO CHUALA FÉIN